



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ
Præcones**

Stengel, Georg

Ingolstadt, 1645

§. 13. Antonini persecutio, aquarum inundatione, & alijs cladibus, punita.

[urn:nbn:de:hbz:466:1-52365](https://nbn-resolving.org/urn:nbn:de:hbz:466:1-52365)

cùm præripia venisset: *Hic tandem est illi veritatis defensor, & mendaciorum punitor fluvius, ait Dominus. Ad quæ verba attonitus servus, panè ex equo lapsus est. Verùm ubi se virèsq; collegit, veniam à Domino præcatus, negavit se transiturum, eò quòd mendacij, eo die, à se conflati conscius esset: Nam vulpem à se alibi conspectam, reliquis communibus vulpibus fuisse magnitudine omninò parem. Hoc audito, Et hæc quoque aqua, inquit Dominus, est alijs communibus aquis par, neq; solet mendaces mergere. Ita mendacem, aquarum minitacione, curavit, & ad veritatem promendam reduxit.*

§. XIII.

Antonini persecutio, aquarum inundacione, & alijs cladibus punita.

Potuerunt tantum fictæ aquarum minæ? quid non poterunt veræ pœnæ, à DEO, per aquas inflictæ? Nam qui inflicta audit, metuit infligendas. Metuere autem initium est emendationis. Cuius rei exemplum multiplex legimus, in quarta Ecclesiæ & Christianorum persecutione, sub Antonino (non enim sub Marco Aurelio) contigisse. Antoninus enim non satis habuit, proposita capitis pœna, vetuisse, ne quis

Sibyl.

Sibyllarum versus legeret, aliósq̄ue propheticos Gentilium libros, qui multa de Christo prædixisse videbantur, adeò vt è Gentilibus non pauci Christiani fierent, vt Iustinus testatur; sed Christianos præterea, quàm plurimos, Crescentis hæretici instigatione, morti addixit; & quidem anthropophagiæ priùs, aliorúmque horribilium Gnosticis familiarium criminum, per impudentissimam calumniam, accusatos. Quàm grauius eiusmodi atrocitate offenderetur vindex malorum DEVS, edocuit, non solùm Tiberis inundatione, sed alijs quoque varijs ærumnis, quas immisit; fame; circi ruina; terræ motu complures Rhodiorum, & Asiæ vrbes subuertente; trecentis & quadraginta insulis, aut domibus, Romæ combustis; Narbonensi ciuitate concremata, atque alijs calamitatibus vrbi & orbi inuectis. Quibus ita omnes conterriti sunt, & ipse adeò Imperator commotus est, vt expresso Rescripto, ad eundem 15. Imperij annum, quo hæc euenerunt, dato, persecutioni finem imponere coactus sit. Ita aquarum, ignium, terræque incommodis, sapientissimus mundi Moderator peccantes multat & emendat;

Iustin.
Apolog.
ad Antonin.
Euseb. An.
153. Baron. An.
150.

Iulius
Capitolin.
in Antonino.

Vide Euseb. li. 4. hist. c. 12.

R de

Amos. 5. de ipsis malis bonus. *Qui vocat aquas maris, & effundit eas super faciem terra. Dominus nomen est eius.*

CAPVT X.

Deum, ut aquarum terrarumque Dominum, potestatem, iustitiam, providentiamque suam ostendere, miserando Emmanuelis Sosa naufragio, & seculi marisq. similitudine declaratur.

§. I.

Absolutissimum Dei in omnes res dominium.



Voniam autem Dominus nomen est eius, habet & hinc causam aquis habenas stringendi, vel laxandi, ut dominium suum manifestet. Si enim dominium est jus gubernandi vel disponendi de re aliqua, tanquam sua, seu sibi subiecta, itaque deuincta, ut possit de ea, non ex commissione alterius, sed propria auctoritate, sine cuiusquam injuria, disporre; profecto, cum DEVS sit Dominus vniuersorum, nullam injuriam faciet vlli, per maria, nauiganti, si ventos immittat non à tergo spirantes; sed procellis & tempe-

Leonard.
Lect. de
Iust. ca. 3.
dub. 1.